

पावलसे फिलेमोनदा भिबा चिठी

चु चिठीला बारेरी पाङ्तो:मा

भिबा म्हि: मुल चेला पावलसे भिबा मुबा। चु चिठी भिबाला लागिरी तिमोथीसे हो लबा मुबा (फिलेमोन १:१)।

भिबा ग्ला: रोमला भ्याल्खानग्याम भिबा मुबा।

भिबा साल: ओस्पन ईश्वी संवत् ६०-६२ (विक्रम संवत् ११७-११८) सालला गुडरी भिबा मुबा।

खाल्दा भिबा: फिलेमोन भिबा म्हिदा भिबा मुबा।

फिलेमोन जम्मासेन डोसेबा ख्रीष्टियान मुबा। थे कलस्सी शहररी मुबा मण्डलीला विश्वासी तखम्ला। थे ओनेसिमस भिबा नोकरला मालिक मुबा। ओनेसिमस हाडला मालिकला दिमग्याम यासी रोम शहररी निबा मुबा। थाबा पिन्बा समाचार थे:ना लबासे लमा थे धुइरी पावल चा भ्याल्खानरी परब तबा मुबा। थेसे पावलग्यामसेन थाबा पिन्बा समाचार थे:सी प्रभु येशूदा विश्वास लबा मुबा। पावलसे ओनेसिमसदा फिलेमोन मुबा ग्लारी पुइबान मुबा। थेतबासेलमा ओनेसिमससे तिगै गे न्होङ्ना लबा मुसै थेदा माफ लसी पिन्गो ओच्छे थेदा नोकरदा लबा हङ्बा व्यवहार आहिन, तर येशूदा विश्वास लबा आलेदा लबा हङ्बान व्यवहार लसी मान लउ भिसी फिलेमोनदा चु चिठी भिबा मुबा।

मुल तामगदे

- फ्याफुल्बा १-३
- पावलसे फिलेमोनदा ज्यबा म्हि भिसी पाङ्बा ४-७
- ओनेसिमसला लागिरी बिन्ती लबा ८-२२
- चिठीला थुमरी पाङ्बा ताम २३-२५

पावलसे फिलेमोनदा भिबा चिठी

फिलेमोन भिबा म्हिदा पावलला चिठी

१ लास्सो, डा ख्रीष्ट येशूला लागिरी भयाल्खानरी मुबा पावलदेन यहाडला आले तिमोथीग्याम, डन्ना सेम निबा ह्यो डन्दा ह्यो लबा फिलेमोनदेन २ यहाडला आडा अफिया ओच्छे डन्देन छ्याम ढिक्सी गे लबा अखिप्पसदेन एला दिमला मण्डलीदा फ्याफुल्ला। ३ यहाडला परमेश्वर आबादेन प्रभु येशू ख्रीष्टग्याम दयामायादेन शान्ति याङ्गै।

पावलसे फिलेमोनना लागिरी प्रार्थना लबा

४ फिलेमोन आले, डाइ प्रार्थना लबा धुइरी एदा ढन्मा डाइ सदन डाला परमेश्वरदा धन्यवाद पिन्मुला। ५ तिग्दा भिसम प्रभु येशूदा एसे लबा विश्वासदेन परमेश्वरला म्हिगदेदा एसे माया लबा मुला भिबा ताम थे:मुला। ६ एला विश्वाससे ख्रीष्टदेन

छ्याम गिक तबा यहाडला जम्मान ज्यबा तामगदे अफ घोबारी ज्ञान बुद्धि पिन्नौ भिसी डाइ परमेश्वरदेन छ्याम प्रार्थना लमुला। ७ डाला आले, एला मायासे डा ल्हानान ताङ्सी आँट याङ्बा मुला। तिग्दा भिसम एसे लमा परमेश्वरला म्हिगदेला सेम दो:सी ताङ्बा मुला।

पावलसे ओनेसिमसला लागिरी पाङ्बा ताम

८ थेतबासेलमा एसे तिग लतो:ला भिसी ख्रीष्टसे पिन्बा अधिकारग्याम एदा कुल्खम्बा आँट मुला, ९ तर एला माया मुबासे लमा डाइ एदा चु बिन्ती लबा मुला, दान्दे डा खेप्बा दोसी जिन्बा पावल ख्रीष्ट येशूला लागिरी भयाल्खानरी मुला। १० थेतबासेलमा प्रभुरी डाला भा ओनेसिमसला लागिरी डाइ एदा चु बिन्ती लबा मुला। भयाल्खानरी मुबा धुइरीन डा थेला आबा दोबा मुला। ११ डाच्छा ओनेसिमस १ एला लागिरी गे आखेलबा म्हि मुबा। तर

१:११ “ओनेसिमस” भिबाला अर्थ चा गे खेलबा हिन्ना।

दान्दे एदेन डाला लागिरी थे गे खेल्बा
म्हि तबा मुला। १२थे डाला तिडला
डोरा हिन्ना। तसैनोन डाइ थेदा ए
मुबा ग्लारी दोःसी पुइखबा मुला।
१३थार्बा पिन्बा समाचारला लागिरी
डा भयाल्खानरी मुबा धुइरी एला
साटोरी थेसे डादा हो लबाला लागिरी
थे चुरीन मुगै भिबा डाला सेम मुबा।
१४तर एदा आङ्योइना डादा तिगै
लइ आम्हन्नी। तिग्दा भिसम डादा हो
लबा करसे आहिन, तर एलान सुरसे
लगै भिबा डाला सेम मुला।

१५ओनेसिमस तिगै धिनना लागिरी
एग्याम फेसी चिमुबा। थेहङ् तबा
चा थे सदन एदेन छ्यामनोन चिगै
भिसीनोन मुला तला। १६थेतबासेलमा
दाहेन्से थे नोकर हङ्बा आहिन,
तर नोकर भन्दा घेन हिन्ना। ओच्छे
प्रभुरी सेम निबा डाला हाडलान आले
हिन्ना, दान्दे मी भन एला लागिरी थे
हाडलान आले हिन्ना।

१७थेतबासेलमा चुदे एसे डादा
हाडलान ढिक्बा हो म्हन्मुला भिसम
थेदाएनोन डादा हङ्नोन मान लउ।
१८चुदे थेसे एदा तिगै आज्यबा
लसैनोन, अथवा थेसे तिगै फातोःबा
मुसै थे डाला मिनरी थान्गो। १९थे छे
डाइनोन फासी पिन्ना भिबा ताम चा

डा पावलसेन भिबा हिन्ना। ओच्छे
एसेनोन प्रभुदा डोसेबा डाग्यामसेन
हिन्ना भिबा ताम डाइ एदा पाङ्आतोः
तला।

२०थेतबासेलमा डाला आले, डादा
प्रभुला लागिरी चु गे लसी पिन्गो।
ख्रीष्टदेन छ्याम गिक तबासे लमा
एसे डाला सेम दोःसी ताङ्ना लउ।
२१डाइ पाङ्बा भन्दा अभ्र एसे डाला
लागिरी ल्हानान लला भिबा ताम
डादा पूरा था तसी डाइ एदा चु भिबा
मुला।

२२ओच्छे अर्गु ताम चा डाला
लागिरीनोन कोठा गिक ठीक लसी
थान्गो। तिग्दा भिसम एला प्रार्थनासे
लमा डाएनोन ए मुबा ग्लारी खम्याङ्ला
वा भिसी आश लबा मुला।

चिठीला थुमरी पाङ्बा ताम

२३ख्रीष्ट येशूला लागिरी डादेन
छ्यामनोन भयाल्खानरी चिबा
इपाफ्राससे एदा फ्याफुल्ला भिसी
भिबा मुला। २४थेहङ् लसीन डादेन
छ्याम ढिक्सी गे लबा डाला ह्योगदे
मर्कूस, अरिस्तार्खसदेन डेमास ओच्छे
लूकासेनोन फ्याफुल्ला भिबा मुला।

२५प्रभु येशू ख्रीष्टला दयामाया
एनीगदेदेन छ्याम तगै।